



12157

唐柳先生集卷之一

唐雅

○獻平淮夷雅表

吳元濟在淮蔡故曰淮夷宗元擬此漢之詩而作也

臣宗元言臣負罪竄伏違尚書牋奏十有四年禮部郎官

掌尚書牋奏宗元以永貞元年自禮部員外郎貶為刺史至是十四年聖恩寬宥命守

遐壤懷印曳紱有社有人臣宗元誠感誠荷頓首頓

首伏惟睿聖文武皇帝陛下天造神斷克清大憝徒對

反惡也謂平吳元濟金鼓一動萬方里臣太平之功中興之德

中陝仲切再也推校千古無所與讓因伏自忖庶忖取本切度待洛切

柳文 一 卷

有方剛之力不得備戎行音航列也致死命况今已無事

思報國恩獨惟文章伏見周宣王時稱中興其道彰

大于後罕及然徵於詩大小雅其選徒出狩則車攻

吉日命官分土則崧高韓奕烝人南征北伐則六月

采芑平淮夷則江漢常武鏗錫炳耀鏗丘耕切錫呼宏切鐘鼓聲

盪人耳即盪音蕩又他狼反故宣王之形容與其輔佐由今

望之若神人然此無他以雅故也臣伏見陛下自即

位以來平夏州元和元年三月楊惠琳伏誅夷劔南元和元年十月劉闢伏誅

取江東元和二年十一月李錡伏誅定河北元和七年十月魏博節度使田興以六州

歸于有司十一月赦魏博具衛潭相六今又發自天

州詔田興充魏博節度使賜名弘正



衰克翦淮右元和九年十一月吳元齊伏誅而大雅不作臣誠不佞

然不勝憤踊勇音伏以朝多文臣不敢盡專數事謹

撰平淮夷雅二篇雖不及尹吉甫召穆公等庶施諸

後代有以佐唐之光明謹昧死再拜以獻臣宗元誠

恐誠懼頓首頓首謹言

○平淮夷雅二篇

皇武命丞相度董師集大功也董督也元和十二年七月宰相裴度充淮

西宣慰處置使平吳元齊

皇者其武者致也音吉于澌于淮澌於斤切唐澌水縣屬陳州李光顏壁澌水大

破既巾乃車環蔡其來狡衆昏囁魚巾切口不道甚忠信之言曰囁甚

柳文

一

二

毒于醒音呈酒病狂奔呌呌尼交切謹聲以干大刑○皇咨于

度惟汝一德曠誅四絕自大曆十四年李希烈鎮蔡州至元和十二年滅吳元齊

其後汝克錫汝斧鉞其往視師師是蔡人以宥以釐

是宜金節煌煌錫盾雕戈盾之九切戈謂平頭也犀甲

熊旂威命是荷音何○度拜稽首出次于東天子餞之

壘竿是崇鼎臚俎馘臠汝朱切嫩更貌又奴刀切馘羊豕臂也馘測吏切大爵刑

獻百籟凡百卿士班以周旋○既涉于淮所簡切水名在京兆

乃翼乃前孰圖厥猶其佐多賢裴度表馬摠為副使韓愈為行軍司馬李

正封馬宿為判官李宗閔為掌書記李

文悅為都知兵馬使高承簡為都押衙宛宛周道于

山于川遠揚邇昭陟降連連○我旆我旂于道于陌

詠于群帥拳勇來格公曰徐之無恃額額鄂格切式

和爾容惟義之宅○進次于郾於憲切唐許州郾川郡有郾城縣彼

昏卒狂哀兇鞠頑哀薄侯切聚也鋒蟻斧螳蟻音胃似豪猪蟻音唐蟲也

赤子匍匐厥父是克十郎切怒其萌芽以悖太陽○玉

旅渾渾是佚是怙既獲敵師若饑得餉音步申時食又音通獸也

祭兇伊窘悉起來聚左擣其虛靡愆厥慮○載關載

祓音弗丞相是臨謂裴度建章義節入蔡州弛其武刑諭我德心其

危既安有長如林長上聲曾是謹誥女交切化為謳吟

○皇曰來歸汝復相予爵之成國左傳襄公十四年成國不過半天子

柳文 卷一 二

之軍成國謂公侯之國昨以夏墟夏墟今太原晉陽度拜稽首天子聖

神度拜稽首皇祐下人○淮夷既平震是朝南叶韻凡心切

宜廟宜郊以告德音歸牛休馬豐稼于野我武惟

皇永保無疆

皇武十有一章章八句

方城命愬守也愬音訴方城山名在唐州元和十一年李愬為唐節度使卒入

蔡得其大醜謂擒吳元濟以平淮右

方城臨臨王卒峙之時直里切匪徼匪競徼古堯切求也皇有正

命皇命于愬往舒余仁陪彼艱頑陪蒲墨切僵也柔惠是馴

愬拜即命于皇之誨既礪既攻以後厥功王師崑

疑魚力切又音疑山名熊羆是式衝勇韜力日思予殛○寇昏

以狂敢蹈愬疆士獲厥心太祖高驤長戰曾示蔡其

綬章綬所引以登車者章謂有文采右剪左屠聿翕其良李愬擒丁士良不殺

其良既宥告以父母恩柔于肌卒貢爾有維彼攸恃

乃偵乃誘偵丑盈丑正二切候也維彼攸宅乃發乃守○其恃

爰獲我功我多陰謀厥圖謀達協切以究爾詭雨雪洋洋

大風來加于燠其寒予邇其遇○汝陰之蒞懸瓠之

峨瓠音護李愬分兵絕迴曲道又以兵絕朗山道行七十里夜半至懸瓠城雪甚城旁皆鶯鶯也愬令擊之以亂軍聲賊恃吳房朗山成晏然無知者是震是拔大殲厥家狡虜既

柳文卷一四

廢輸于國都示之市人卽社行誅○乃諭乃止蔡有

厚喜完其室家仰父俯子汝水云云音云既清而灑蔡

人行歌我步逶遲逶於危切○蔡人歌矣蔡風和矣孰類

蔡初胡甌爾居甌立例切爾雅康瓠謂之甌說文康甌破罌也顏師古音五列切字當作甌危

式慕以康為愿有餘是究是咨皇德既舒○皇

曰咨愬裕乃父功昔我文祖惟西平是庸李愬父李晟事德宗

西平王平未泚封內誨于家外刑于邦孰是蔡人而不率從

○蔡人率止惟西平有子西平有子惟我有臣疇允

大邦俾惠我人于廟告功以顧萬方

方城十有一章章八句

唐鏡歌鼓吹曲十二篇

并序

鏡女交切吹尺儵切

負罪臣宗元言臣幸以罪居永州

憲宗即位宗元貶永州司馬

受

食府廩竊活性命得視息無治時事恐懼小閒

音閑

又盜取古書文句聊以自娛伏觀漢魏以來代有鏡歌

鼓吹詞唯唐獨無有臣為郎時以太常聯禮部嘗聞

鼓吹署有戎樂詞獨不列今又考漢曲十二篇

一朱輅或

作朱鷺二思悲翁三艾如張四上之回五翁離六戰城南七巫山高八上陵九將進酒十有所思十一芳

樹雉子班臨高臺等曲魏曲十四篇

穆襲製述以晉功德代漢

曲十六篇

傳玄製述以魏功德代魏

漢歌詞不明紀功德魏晉歌

柳文

一卷

五

功德具今臣竊取魏晉義用漢篇數為唐鏡歌鼓吹

曲十二篇紀高祖太宗功能之神奇因以知取天下

之勤勞命將用師之艱難每有戎事治兵振旅幸歌

臣詞以為容且得大戒宜敬而不害臣淪棄即死言

與不言其罪等耳猶冀能言有益國事不敢效怨懟

默已

懟音隊

謹冒死上

隋亂既極唐師起晉陽平姦豪為生人義王

以仁興武為晉陽武第一

晉陽太原屬邑

晉陽武奮義威煬之渝

煬隋帝謚音漾暴也

德馬歸氓畢屠殺

者誰皇烈烈專天機號以仁揚其旗日之昇九土晞

一作 訴田坻音折 流洪輝有其二翼餘隋 斬梟

斬側略切梟古堯切鳥名食母連條以肉初者 鷲五高切不祥鳥自身赤口也 后土蕩玄穹彌合之

育莽然施莽母黨莫 惟德輔慶無期

右晉陽武二十六句句三字

唐既受命李密自敗來歸以開黎陽斥東土

為獸之窮第二

獸之窮奔大麓天厚黃德謂唐 狙獷服狙七餘切 甲

之囊弓弭矢箛音服 皇旅靖敵逾感自亡其徒匪子

麋屈贗猛音賦或云即周 虔慄慄縻以尺組噉以秩

李密降以為光祿卿封邢國公 縻忙皮切噉杜覽切與啗同 黎之陽土茫茫富兵

柳文 卷一 六

戎盈倉箱乏者德莫能享香 驅豺兕授我疆

右獸之窮二十二句其十八句句四字其

太宗師討王充避太宗諱 建德助逆師奮擊

武牢下擒之遂降充為戰武牢第三唐諱

改為武

戰武牢動河朔竇建德 逆之助圖掎角掎居 怒轂麇

轂古候切鳥子生哺 抗喬嶽翹萌芽傲霜電王謀內

定申掌握鋪施芟夷二主縛憚華戎廓封畧命之膏

母巨早當 甲以斲早當 歸有德唯先覺

右戰武牢十八句其十六句句三字其二

薛舉據涇以死子仁杲尤勇以暴師平之為  
涇水黃第四

涇水黃隴野茫

薛舉所據

負太白

星名一云山名

騰天狼

妖星

有鳥

鷲立羽翼張鉤喙決前

喙決

鉅趨傍

趨音陽跳也

怒飛饑

嘯翮不可當

翮隳綠切

老雄死

武德元年薛舉死

子復良

薛仁杲僭帝位

巢岐飲渭肆翺翔頓地絃提天綱列缺掉幟

幟尺志切列缺

也招搖耀鉞

北斗建指之星

鬼神來助夢嘉祥腦塗

原野魄飛揚星辰復恢一方

右涇水黃二十四句

其十五句句三字其九句句四字

輔氏憑江淮竟東海命將平之

輔公祏稱帝於丹陽詔趙

柳文

卷

七

郡王李孝恭及李靖李勣討之傳首京師

為奔鯨沛第五

奔鯨沛蕩海垠

魚中切岸也

吐霓翳日腥浮雲帝怒下顧

哀墊昏

墊都念切

授以神柄推元臣手援天矛截修鱗披

攘蒙霧

與霧同又茂夢二音

開海門地平水靜浮天根羲和顯

耀乘清氛赫炎溥暢融大鈞

右奔鯨沛十八句

其十句句三字其八句句四字

梁之餘保荆衡巴巫窮南越良將取之不以

師

蕭銑後梁宣帝魯孫備稱皇帝武德四年李孝恭李靖討平之

為苞枿

牙萼牙結二切伐木餘也與藥同

第六

苞枿黜矣

黜音隊茂也

惟根之蟻彌巴蔽荆負南極以安

曰我舊梁氏緝殺艱難江漢之阻都邑固以完聖人  
作神武用有臣勇智奮不以衆投跡死地謀猷縱化  
敵爲家慮則中去聲浩浩海裔不威而同係纆降王定  
厥功澶漫萬里宣唐風蠻夷九譯咸來從凱還金奏  
象形容震赫萬國罔不龔音恭義同

右苞栝二十八句

其十六句句四字其三  
句句五字其九句句三

字

李軌保河右師臨之不克變或執以降

軌將  
安興

貴執

爲河右平第七

河右澶漫頑爲之魁王師如雷震崑崙以頽上聳下

柳文

一卷

聰驚不可迴

女興貴說軌今舉河西歸  
唐不聽與貴執軌以聞

助讎抗有德

惟人之災乃潰乃奮執縛歸厥命萬室蒙其仁一夫

則病濡以鴻澤皇之聖威畏德懷功以定順之于理

物咸遂厥性

右河右平十八句

其十一句句四字其五  
句句五字其二句句三

字

突厥之大

厥九  
勿切

古夷狄莫強焉師大破之降

其國告于廟

正觀三年詔李靖李勣討突  
厥頽利懼竄鉄山靖乘間襲

擊遂大破滅其國  
張寶相追擒之

爲鐵山碎第八

鐵山碎大漠舒二虜勁

頽利突利  
二可汗

連穹廬背北海專

坤隅歲來侵邊或傳于都傳音附天子命元帥奮其雄

圖破定襄降魁渠李靖襲定襄破之頡利所親康蘇密來奔又突利率所部來奔窮

竟窟宅斥余吾斥開也余吾匈奴地名百蠻破膽邊氓蘇威武

輝耀明鬼區利澤彌萬祀功不可踰官臣拜手惟帝

之暮

右鐵山碎二十二句

其十一句句三字其九句句四字其二句

句五字

劉武周敗裴寂咸有晉地太宗滅之為靖本

邦第九

本邦伊晉惟時不靖根柢之搖枝葉攸病守臣不任

柳文

卷一

九

謂裴寂敗武周進逼并州遂據太原勦于神聖勦羊至切勞也太宗敗宋金剛於雀兒谷又破

劉武周於洛州遂復故地惟鉞之興翳焉則定洪惟我理式和以

敬群頑既夷庶績咸正皇暮載大惟人之慶

右靖本邦十四句句四字

李靖滅吐谷渾音鬼西海上為吐谷渾第十

吐谷渾盛強背西海以夸歲侵擾我疆退匿險且遐

帝謂神武師往征靖皇家烈烈旆其旗熊虎雜龍蛇

王旅千萬人銜枚默無譁東力踰山徼音料張翼縱

漠沙一舉刈羶腥尸骸積如麻除惡務本根况敢遺

萌芽洋洋西海水威命窮天涯繫虜來王都貞觀九年李靖

平吐谷渾獲其王犒樂窮休嘉登高望還師竟野如  
慕容伏允以歸春華行者靡不歸親戚誰要遮要伊消切凱旋獻清廟萬  
國恩無邪

右吐谷渾二十六句 句五字

李靖滅高昌為高昌第十一

魏氏雄西北 高昌王魏文泰與西突厥通武德十三年侯君集討之文泰死子智盛降唐

別絕臣外區 別筆刻切異也 旣恃遠且險縱傲不我虞烈烈

王者師熊羆以為徒龍旂翻海浪驛騎馳坤隅賁育

搏嬰兒 賁音奔孟賁夏育皆衛人有勇力者 一掃不復餘平沙際天極

但見黃雲驅臣靖執長纓智勇伏囚拘文皇南面坐

柳文 卷十

夷狄千群趨咸稱天子神往古不得俱獻號天可汗

音寒正觀四年滅突厥四夷君長請闕請帝為天可汗 以覆我國都 覆去聲 兵戍

不交害各保性與軀

右高昌二十二句 句五字

旣克東蠻群臣請圖蠻夷狀如周書王會 東謝

蠻在黔州西數百里貞觀三年酋長謝元升入朝頗師古因奏言周武王時遠國歸

欵周史集其事為王會篇乃命閭立本圖之 為東蠻第十二

東蠻有謝氏冠帶理海中自言我異世雖聖莫能通

王卒如飛翰 翰伏汗切 鵬騫駭群龍 騫音軒飛舉貌 轟然自

天墜乃信神武功繫虜君臣人累累來自東 累累倫追切 無

恩不服從唐業如山崇百群拜稽首咸願圖形容如

周王會書永永傳無窮睢盱萬狀乖睢許規切盱凶于切張目也

咿嗚九譯重咿音伊盟乙骨切言不明也廣輪撫四海廣古曠切東西為廣

南北為輪浩浩知皇風歌詩鏡鼓間以壯我元戎

右東蠻二十二句句五字

眎民詩美房杜

帝眎民情匪幽匪明慘或在腹已如色聲亦無動威

亦無止力弗動弗止惟民之極帝懷民眎乃降明德

乃生明翼明翼者何乃房乃杜房文齡杜如晦惟房與杜實

為民路廼定天子廼開萬國萬國既分廼釋蠹民廼

柳文一卷

學與仕廼播與食廼器與用廼貨與通有作有遷無

遷無作士實蕩蕩農實董董工實蒙蒙賈實融融左

右惟一出入惟同攝儀以引以遵以肆合作肆音曳其風

既流品物載休惟天子守乃二公之久惟天子明乃

二公之成惟百辟正乃二公之令惟百辟穀乃二公

之祿二公行矣弗敢憂縱是獲憂共二公居矣弗敢

忝止是獲忝已既柔一德四夷是則四夷是則永懷

不忒

貞符并序

負罪臣宗元惶恐言臣所貶州流人吳武陵為臣言

董仲舒對三代受命之符誠然非耶臣曰非也何獨

仲舒爾自司馬相如劉向楊雄班彪彪子固皆公襲

嗤嗤充之切推古瑞物以配受命其言類淫巫瞽史誑

亂後代不足以知聖人立極之本顯至德揚大功一作

公感天厥趣臣為尚書郎時嘗著貞符言唐家正德

受命於生人之意累積厚久宜享無極之義一本享字下有

年本未閱闕會貶逐中輟不克備究武陵即叩頭邀

臣此大事不宜以辱故休缺傾雪切破也少也使聖王之典

不立無以抑詭類拔正道表覈萬代臣不勝奮激即

具為書念終泯沒蠻夷不聞于時獨不為也苟一明

柳文

卷一

十二

大道施於人世死無所憾用是自決臣宗元稽首拜

手以聞曰

孰稱古初朴蒙空洞而無爭厥流以訛越乃奮效古奪

字鬪怒振動專肆為淫威曰是不知道惟人之初搃

搃而生林林而群雪霜風雨雷電暴其外於是乃知

架巢空穴挽草木取皮革饑渴牝牡之欲敲其內與

驅同於是乃知噬鳥獸咀果穀噬音誓咀在呂切合偶而居交

焉而爭睽焉而鬪力大者搏齒利者齧倪結切爪剛者

決群眾者軋乙點切兵良者殺披披藉藉草野塗血然

後強有力者出而治之往往為曹於險阻用號令起

而君臣什伍之法立德紹者嗣道怠者奪於是有聖人焉曰黃帝遊其兵車一無遊字交貫其內一統類齊制

量去聲然猶太公之道不克建於是有聖人焉曰堯置

州牧四岳持而綱之立有德有功有能者叅而維之

運臂率指屈伸把握莫不統率一本有堯字年者舉聖人

而禪焉大公乃克建由是觀之厥初罔匪極亂而後

稍可為也而非德不樹故仲尼叙書於堯曰克明俊

德於舜曰濬哲文明於禹曰文命祗承于帝於湯曰

克寬克仁彰信兆民於武王曰有道曾孫稽揆典誓

貞哉惟茲德實受命之符以奠永祀後之妖淫囂昏

柳文 卷一

好怪之徒乃始陳大電河圖云少典妃附實見大電光繞北斗樞星曜如野附實

意感而生黃大虹大星如虹下游華渚女節意感而生白帝子即金天氏也玄鳥

湯之先祖有娥氏女簡狄配高巨跡高辛初如禘之

辛氏配遺卵簡狄吞之而生契巨跡時有大神跡姜

嫫嫫之白狼帝王世紀曰有神牽白魚白魚入于王

而生棄白狼帝王世紀曰有神牽白魚白魚入于王

時有流火之鳥周得火德有赤鳥之符尚書中候以此端流火之鳥曰有火自天止于王屋流為赤鳥以

為符斯皆詭譎闕誕其可羞也而莫知本於厥貞漢

用大度克懷於有垠登能庸賢濯瘼煦寒瘼音夷煦

以瘳以熙茲其為符也而其妄臣乃下取虺蛇上引

天光虺許諱切班彪王命論曰高祖始受命則白蛇分西入關則五星聚推類號休號

有號同切後用夸誣於無知垠增以騶虞上音測鳩切仁獸也神鼎

武帝元鼎元年得寶 晉 殿縱史 上子勇切千音勇俾

鼎分水上因是改元 泰山下趾南方 作大號謂之封禪 音擅

東之泰山石間 泰山下趾南方 皆尚書所無有莽述承效 王莽公孫述皆 卒奮驚逆

其後有賢帝曰光武克綏天下復承舊物猶崇赤伏

光武在長安時同舍生疆華自關中奉赤伏符至光武因此崇尚符讖 以玷厥德魏晉

而下龙亂鉤裂厥符不貞邦用不靖亦罔克久駸乎

無以議為也積大亂至于隋氏環四海以為鼎跨九

垠以為鑪爨以毒燎煽以虐焰其人沸湧灼爛號呼

騰蹈莫有救止於是大聖乃起 唐高祖太宗 丕降霖雨澹

滌盪沃蒸為清氣流為冷風人乃溲然休然 聊 相

柳文 二卷 十四

晞以生相持以成相彌以寧琢斲屠剔 琢丁角切膏

流節離之禍不作而人乃克完平舒愉尸其肌膚以

達於夷途焚圻抵拑奔走轉死之害不起而人乃克

鳩類集族歌舞悅懌用祇于元德徒奮祖呼犒迎義

旅謹動六合至于麾下大盜豪據阻命遏德義威殄

戮咸隆厥緒無劉于虐 劉殺也 人乃並受休嘉去隋氏

克歸于唐躑躅謳歌 躑直炙切 顛顛和寧帝庸威栗

惟人之為 去聲 敬奠厥賦積藏于下是謂豐國鄉為義

廩歛發謹飭歲丁大侵人以有年簡于厥刑不殘而

懲是謂嚴威小屬而支 屬之欲切而汝也謂全其肢體 大生而孳愷

梯祇敬用底于治。一本用其所欲不謂而獲凡其所

惡不祈而息四夷稽服不作兵革不竭貨力不揚于

後嗣用垂于帝式十聖濟厥治。謂太宗至憲宗凡十帝孝仁平

寬惟祖之則澤久而逾深仁增而益高人之戴唐永

永無窮是故受命不于天于其人休符不于祥于其

仁惟人之仁匪祥于天匪祥于天茲惟貞符哉未有

喪仁而久者也未有特祥而壽者也商之王以桑穀

昌。商大戊時以雉雉大。雉古猴切商高宗時宋之君以法星壽。宋景公見

春秋鄭以龍衰。魯昭公十九年鄭大水龍闕于時門之外有淵魯以麟弱。哀公十四年春

西狩獲麟白雉亡漢。漢平帝元始元年越蒙氏重譯獻白雉黃犀死莽

王莽惡在其為符也。惡音烏不勝唐德之代光紹明濬深

鴻龐大保人斯無疆宜薦于郊廟文之雅詩祇告于

德之休帝曰甚哉。諱時任切亦作忱乃黜休祥之奏究貞符

之奧思德之所未大求仁之所未備以極于邦治以

敬于人事其詩曰

於穆敬德黎人皇之惟貞厥符浩浩將之仁函于膺

刃莫畢屠澤燻于爨灑爨以幹。灑與沸同珍厥凶德乃毆

乃夷懿其休風是煦是吹父子熙熙相寧以嬉賦徹

而藏厚我糗糧。根一作刑輕以清我完靡傷貽我子孫

百代是康十聖嗣于治仁后之子子思孝父易患于

已拱之戴之神具爾宜載揚於雅承天之擬天之誠  
神宜鑒於仁神之曷依宜仁之歸濮沿于北祝栗于  
南幅員西東祇一乃心祝唐之紀後天罔墜祝皇之  
壽與地咸久曷徒祝之心誠篤之神協人同道以告  
之俾彌億萬年不震不危我代之延永永毗之仁增  
以崇曷不爾思有號於天僉曰嗚呼咨爾皇靈無替  
厥符

華昧初開文明漸起氣機自茲之遠聖人應運而昌生  
六因運心致治也云厥初罔心極亂而後稍可治則是天  
開地闢光淑一大私局面有是理乎至于國家將興必

有祿祥非謂禎祥能興國也信之者癡狂濶之者  
庸妄皆未深惟乎天人之故然子厚本意原不過  
欲以文辭抗古而古人本意亦不過欲以文辭獻  
媚於庸多詞氣云 子厚文辭亦自前無古人又  
何必擬此等是少爭勝然則六獻媚之情多耳

唐柳先生集卷之二

古賦

佩韋賦 并序

柳子讀古書觀直道守節者則壯之蓋有激也恒懼  
過而失中庸之義慕西門氏佩韋以戒韋雨非切西門豹性急佩

韋以自緩董安于性緩佩弦以自急故作是賦其辭曰  
邈予生此下都兮塊天質之慤醇慤若角切日月迭而化

升兮寤遁初而枉神雕大素而生華兮生一本作成汨未

流以喪真汨古忽切晞往躅而周章兮周章不決貌躅厨玉切懜倚

伏其無垠世既奪予之大和兮眷授予以經常循聖

柳文

人之通途兮鬱縱吏而不揚縱子勇切史音勇猶悉力而究

陳兮獲貞則于典章嫉時以奮節兮憫已以抑志登

高丘而垂目兮瞰中區之疆理瞰古濫切下視也橫萬里而

極海兮頽風浩其四起恟驚怛而躑躅兮惡浮詐之

相詭思貢忠于明后兮振教導乎遐軌紛吾守此狂

狷兮紛依楚詞音焚懼執競而不柔探先哲之奧謨兮攀往

列之洪休曰沉潜而剛克兮固謹人之嘉猷嗟行行

而躓踣兮行並下浪切躓音致踣也躓蒲墨切信往古之所仇彼穹壤

之廓殊兮寒與暑而交修執中而俟命兮固仁聖之

善謀吾祖士師之直道兮亦愀然於伐國魯欲伐齊問柳下惠



下惠歸曰吾聞彼國不問  
仁人此言何為至於我哉  
尼父戮齊而誅卯兮本柔

仁以作極孔子誅齊優  
施誅少正卯  
蘭竦顏以誚秦兮入降廉猶

臣僕蘭相如叱秦王引車避廉  
頗降音絳下也  
吉優繇而布和兮殘

荏蒲以屏匿游吉鄭子太叔也左傳昭公二十年子  
太叔為政不忍猛而寬鄭國多盜取人

於荏蒲之澤太叔與徒兵以攻  
之盜少止崔音九繇與由同  
劇拔刃於霸侯兮退

翮翮而畏服劇居衛切翮丘弓切敬謹貌魯莊公十  
二年齊侯始霸與魯會于柯曹劇以七

首切桓公盡  
歸魯之侵地  
寬與猛其相濟兮孰不頌茲之盛德克

明哲而保躬兮恢大雅之所勗子玉  
陽宅身以執剛

今卒易帥而蒙辜左傳文公六年孤射姑怨陽處  
父易其班也使續鞫居殺之  
羽

傷心以鑿志兮首身離而不懲痠前比切狠也鑿音  
戾又音利項羽既敗

柳文  
雲岳岳而專強兮果黜志而乖圖漢朱雲連柱  
五鹿充宗時

而死人語曰五鹿岳  
咸觸屏以拒訓兮肆殞越而就陵陳

岳朱雲折其角  
年病召其子陳咸教戒於床下咸睡頭觸  
屏風萬年怒後咸以言石顯髡為城旦  
冶許諫于

昏朝兮名崩弛而陷誅許居列切左傳宣公九年陳  
洩冶諫靈公宣淫孔寧儀行

父殺之  
苟縱直而不羈兮乃變懼而禍仍一作  
歷九折

而直奔兮固摧轅而失途後漢胡廣  
遵大路而曲轍兮又求達曲從梁龔

而不能廣守柔以允塞兮抵暴梁而壞節左傳宣

鳩殺質帝  
立蠡吾侯  
家撝謙而溫美兮矜子公而喪扞公四年

鄭子公謀弑靈公  
義師仁而惡狠兮遂潰騰而滅裂

宋義下令誦項羽狠如狼羽即帳  
中斬其頭狠丁懇切不聽從也  
斯委懦以從邪兮

悼上蔡其何補越高詭李斯立胡亥後乃諧斯斯出獄謂其子曰吾欲復牽黃犬出上蔡

東門逐狡免其可得乎徐偃柔以屏義兮倏邦離而身虜周穆王西遊諸侯皆歸徐偃王穆王使楚伐之偃王不忍鬪其民敗走彭城

桑弘和而却武兮

渙宗覆而國舉設任柔而自處兮蒙大戮而不悟故

曰純柔純弱兮必削必薄純剛純強兮必喪必亡韜

義于中韜音服和于躬和以義宣剛以柔通守而不

遷今變而無窮交得其宜兮乃獲其終姑佩茲韋兮

考古齊同亂曰亂理也所以重理一賦之意韋之申申佩于躬兮

本正生和探厥中兮哲人交修樂有終兮庶寡其過

追古風兮

柳文

二卷

三一

○瓶賦

東坡云楊子雲酒箴有問無答子厚瓶賦蓋補亡耳子厚以瓶為智幾於信道知命者

昔有智人善學鴟夷楊雄酒箴云鴟夷滑稽腹大如壺盡日盛酒人復借酤鴟處脂

士喜悅依隨開冢倒腹喙吁穢斟酌更持味不苦口壘瑩相追壘瑩當諂誘吉

昏至莫知頽然縱傲與亂為期視白成黑顛倒妍媸

也上倪堅切美好也下音蚩痴也已雖自售人或以危敗衆亡國流連

不歸誰主斯罪鴟夷之為不如為瓶居井之眉眉井

鈞深挹潔淡泊是師和齊五味和胡則切齊才諸切調和也寧除

渴飽不甘不壞久而莫遺清白可鑒終不媚私利澤  
廣大孰能去之縷音硬何足怨咨功成事

遂復于土泥歸根反初無慮無思何必巧曲微觀一

時微古堯切求也觀音與子無我愚我智如斯

晁无咎曰昔楊雄作酒箴謂鴟夷盛酒而瓶裁水酒甘以喻小人水淡以比君子故鴟夷以親近託車而瓶以疎遠居井而贏此雄欲同塵於皆醉者之詞也故子厚復正論以反之以謂寧為瓶之潔以病已無為鴟夷之旨以愚人蓋更相明也

○牛賦

東坡云嶺外俗皆信殺牛海南為甚乃書子厚牛賦遺瓊州僧道贊使曉諭之

若知牛乎牛之為物魁形巨首垂耳抱角毛革踈厚

柳文

二卷

四

牟然而鳴黃鍾滿脰音豆項也抵觸隆曦日耕百畝往來

修直植乃禾黍自種自斂服箱以走輸入官倉已不

適口富窮飽飢功用不有陷泥蹙塊常在草野人不

慙愧利滿天下皮角見用肩尻莫保尻若刀切唯也或穿絨

滕或實俎豆由是觀之物無踰者不如羸驢服逐駑

馬曲意隨勢不擇處所不耕不稼藿菽自與藿大豆葉菽大豆

騰踏康莊道五達謂之康六達謂之莊出入輕舉喜則齊鼻怒則

奮躑當道長鳴聞者驚辟辟平亦切開張而易其本處善識門戶

終身不惕牛雖有功於已何益命有好醜非若能力

慎勿怨尤以受多福

柳子既謫猶懼不勝其口筮以玄遇于之八其贊曰  
赤舌燒城吐水于瓶其測曰君子解祟也大玄經注

入為木木生火火中之舌故赤也赤舌所敗若火燒城金生水故吐水也水滅于火雖有傾城之言以水相之災無由至矣喜而為之賦

胡赫炎薰疇之烈火兮焯虛橋呼酷呼各三切炎氣也而生夫人之

齒牙上殫飛而莫遁殫音卑極也遁徒困切旁窮走而逾加九

泉焦枯而四海滲泐兮滲所禁切泐音合紛揮霍而要遮風

雷噉噉以為橐籥兮噉呼交切又古伯切回祿燼怒而噉呀呼

臧切下炖堪輿為麤鏃兮堪輿天地也炖他昆切火虛牙切

柳文二卷五盛貌麤女塞切鬲屬鏃五

到切燒器也蕪雲漢而成霞蕪儒勞切焚也鄧林大椿不足以充

於燎兮一無於字倒扶桑落棠膠轄而相必轄音葛膏搖唇

而增熾兮焰掉舌而彌醜沃無瓶兮撲無篲篲旋芮切又徐

醉切金流玉鏢兮曾不自比於塵沙獨淒已而燠物愈

騰沸而駭剽傲丘交切脾腰也剽容牙切大蓄也吾懼夫灼爛灰滅之

為禍往搜乎太玄之奧訟眾正訴群邪曰去爾中蹠

與外撓姑務清為室而靜為家苟能是則始也汝邇

今也汝遐涼汝者進烈汝者賒譬之猶豁天淵而覆

原燎夫何長喙之紛拏今汝不知清已之慮而惡人

之譁不知靜之為勝而動焉是嘉徒遑遑乎狂奔而

之譁不知靜之為勝而動焉是嘉徒遑遑乎狂奔而

西僚一作索盛氣而長嗟不亦遼乎於是釋然自得以

冷風濯熱以清源滌瑕履仁之實去盜之夸冠太清

之玄冕佩至道之瑤華鋪冲虚以為席駕恬泊以為

車瀏乎以遊於萬物者始劉力周切深貌又音柳彼狙雌倏施

而以崇為利者夫何為邪

### 懲咎賦

唐書本傳載此賦曰宗元不得召內閣悼  
海念往咎作賦自警

懲咎愆以本始兮孰非余心之所求處卑汙以閱世  
今固前志之為尤始予學而觀古今怪今昔之異謀  
惟聰明為可考兮追駿步而遐遊察誠之既信直兮

柳文

二卷

六

仁友藹而萃之日施陳以繫縻兮邀堯舜與之為師

上睢盱而混茫兮睢火規切盱音吁荒忽不可考信也下駁詭而懷私

旁羅列以交貫兮求大中之所宜曰道有象兮而無

其形推變乘時兮與志相迎不及則始兮過則失貞

謹守而中兮與時偕行萬類芸芸兮率由以寧剛柔

弛張兮出入綸經登能抑枉兮白黑濁清蹈乎大方

兮物莫能嬰奉訐謨以植內兮欣余志之有獲再徵

信乎策書兮謂焯然而不惑焯戶頂切光也愚者果於自用

兮惟懼夫誠之不一不顧慮以周圖兮專茲道以為

服讒妬搆而不戒兮猶斷斷於所執斷丁亂切哀吾黨之

不淑兮謂劉禹錫等遭任遇之卒迫卒與粹同勢危疑而多詐

今逢天地之否隔欲圖退而保已兮悼乖期乎曩昔

欲操術以致忠兮衆呀然而互嚇呀虛牙切互一本作予嚇音赫怒而

拒物進與退吾無歸兮甘脂潤乎鼎鑊音穫幸皇鑒之

明宥兮纍力追切子厚初貶邵州刺史惟罪大而寵

厚兮子厚再貶永州司馬既明懼乎天討兮

又幽慄乎鬼責惶惶乎夜寤而晝駭兮類磨磨之不

息磨九筠切磨也或從困從禾磨音加牝鹿也本作麤凌洞庭之洋洋兮泝湘

流之沅沔飄風擊以揚波兮舟摧抑而迴遘日霾曠

以昧幽兮霍莫諸切黜雲浦而上屯黜於糾切清黑色一本作玄雲

柳文二卷暮屑率以淫雨兮率蘇骨切聽嗷嗷之哀猿衆鳥萃而啾

號兮沸洲渚以連山漂遙逐其詎止兮逝莫屬余之

形魂攢鬱奔以紆委兮東溷湧之崩湍畔尺進而尋

退兮盪涸汨乎淪漣涸音骨又越筆切際窮冬而止居兮羈

纍焚以縈纏焚扶分切哀吾生之孔艱兮循凱風之悲詩

罪通天而降酷兮不亟死而生為元和九年母盧氏卒於永州逾

再歲之寒暑兮猶貿貿而自持貿音茂昏也將沉淵而隕

命兮詎蔽罪以塞禍惟滅身而無後兮顧前志猶未

可進路呀以劃絕兮劃忽交切又音畫退伏匿又不果為孤

囚以終世兮長拘攣而軼軻坎可音曩余志之修騫兮

今何爲此戾也。夫豈貪食而盜名兮，不混同於世也。將顯身以直遂兮，衆之所宜蔽也。不擇言以危肆兮，固群禍之際也。御長轅之無橈兮，行九折之峩峩。却驚棹以橫江兮，泝凌天之騰波。幸余死之已緩兮，完形軀之既多。苟餘齒之有懲兮，蹈前烈而不頽。死蠻夷固吾所兮，雖顯寵其馬加配。大中以爲偶兮，諒天命之謂何。

晁无咎曰：子厚竄斥，崎嶇蠻瘴間，湮厄感鬱，一寓於文，爲離騷數十篇。懲咎者悔志也。後之君子欲成人之美者，讀而悲之。

閱生賦

柳文

二卷

八

閱吾生之險阨兮，紛喪志以逢尤。氣沈鬱以杳耿兮，涕浪浪而常流。浪力唐切，流貌。膏液竭而枯居兮，魄離散而遠遊。言不信而莫余白兮，雖遑遑欲馬求合喙而隱志兮，幽默以待靜爲與世而斥謬兮。固離披以顛隕，騏驥之棄辱兮，駑駘以爲騁。一作玄虬蹶泥兮，畏避鼃黽。上與蛙同，下武幸切，蛙屬。行不容之崢嶸。崢嶸音宏。質魁壘而無所隱。魁音磊，壯貌。鱗介槁以橫陸兮，鴟嘯群而厲吻。吻武粉切，口邊。心沈抑以不舒兮，形低摧而自愍。肆余目於湘流兮，望九疑之垠垠。音波淫溢以不返兮，蒼梧鬱其蜚雲。重華幽而野死兮，世莫得其僞真。汲冢書云

禹逐舜終于蒼梧之野

屈子之悵微兮抗危辭以赴淵情規緣切謂屈

原古固有此極憤兮矧吾生之藐艱藐音耽列往則以

考已兮指斗極以自陳登高岳而企踵兮岳魚咸切瞻故

邦之殷麟上音隱下音璘山水浩以蔽虧兮路蒼勃以揚氛

蒼鳥孔切空廬頽而不理兮翳丘木之榛榛塊窮老以淪

放兮匪魑魅吾誰隣仲尼之不惑兮有垂訓之暮言

孟軻四十乃始持心兮猶希勇乎黜賁謂北宮黜孟賁也下音奔

顧余質愚而齒減兮宜觸禍以沾身沾音鹽危也知徙善

而革非兮又何懼乎今之人噫禹績之勤備兮曾莫

理夫茲川殷周之廓大兮南不盡夫衡山余囚楚越

柳文二卷九

之交極兮邈離絕乎中原壤汗潦以墳洳兮潦魯皓朗到二

切洳如居切蒸沸熱而恒昏戲鳥鶴乎中庭兮蒹葭生於

堂筵雄虺蓄形於木杪兮短狐伺景於深淵景即影字臧短

狐也一名射工長一二寸口中仰矜危而俯慄兮弭

日夜之拳攣慮吾生之莫保兮忝代德之元醇孰耿

軀之敢愛兮竊有繼乎古先明神之不欺余兮庶激

烈而有聞冀後害之無辱兮匪徒蓋乎曩愆

### 夢歸賦

惟擯斥以窘束兮余惟夢之為歸精氣注以凝沍兮

沍音互水疑也循舊鄉而顧懷夕余寐于荒陬兮心慊慊而

矣

莫違

憊苦葷切恨也 不蒲也

質舒解以自恣兮 息惜翳而愈微

惜伊淫切

歛騰湧而上浮兮

歛許勿切 俄澁澹之無依

廣切 漾余掌切

圓方混而不形兮

顛醇白之霏霏

上茫茫而無星辰兮

下不見夫水陸

水一本作川

若有鈇余以往路

兮

鈇音述 當依晏本作誅

馭擬擬以回復

擬音擬 感也 浮雲縱以直

度兮云濟余乎西北風纏纏以經耳兮

纏所爾切 類行舟

迅而不息洞然于以瀾漫兮

漫模官切

虹蜺羅列而傾側

橫衝颺以盪擊兮 忽中斷而迷惑靈幽漠以澌汨兮

靈幽或作零 雨澌又瑟切 汨越筆切 水流貌

進惛悵而不得

惛敕驕切

白日邈

其中出兮陰霾披離以泮釋

霾音埋 風雨土也

施岳瀆以定

柳文

卷

十

位兮乎參差之白黑

乎即互字

忽崩騫上下兮 聊按行而

自抑指故都以委墜兮 瞰鄉閭之修直原田蕪穢兮

崢嶸榛棘喬木摧解兮 垣廬不飾山嵒嵒以崑立兮

水汨汨以漂激

汨音骨 又越必切

魂恍惘若有亡兮 淚汪洋

以隕軼

浪音郎

類腫黃之黥漠兮

黥音捨 果實黑壞貌

欲周流而

無所極紛若喜而怡擬兮

怡敕吏切 擬音毅 韻音擬

心回互以壅

塞鍾鼓嗶以戒旦兮

嗶音橫

陶去幽而開寤 曾尉蒙其

復體兮

曾音曹 尉音尉 尉魚網也

孰云桎梏之不屈

桎音質 手械也 梏音姑 沃切

德兮謂九夷之可居 惟道大而無所入兮 猶流

游乎曠野老聃遁而適戎兮指淳茫以縱步蒙莊之  
恢怪兮寓大鵬之遠去莊子蒙人也嘗為蒙漆園吏苟遠適之若

茲兮胡為故國之為慕首丘之仁類兮首去聲禮記云狐死正丘

首斯君子之所譽鳥獸之鳴號兮號去聲有動心而曲

顧膠余衷之莫能捨兮雖判析而不悟列茲夢以三

復兮極明昏而告愬

### 囚山賦

楚越之交環萬山兮勢騰踊夫波濤紛對迴合仰伏

以離迥兮迥音列又音例遮也若重墉之相裛爭生角逐上軼

旁出兮軼迭伏二音其下坼裂而為壕音豪欣下頽以就

柳文

二卷

十一

順兮曾不畝平而又高沓雲雨而漬厚土兮沓達令切合也

漬疾智切蒸鬱勃其腥臊腥音星脾蘇曹切陽不舒以擁隔

兮群陰汙而為曹側耕危穫苟以食兮哀斯民之增

勞積林麓以為叢棘兮積一本作橫虎豹咆闐代狴牢之

吠嗥咆音庖闐虎檻切虎豹聲也狴音陛獄別名嗥音豪予胡井管以管視兮

窮坎險其馬逃顧幽昧之罪加兮雖聖猶病夫嗷嗷

匪兕吾為柙兮匪豕吾為牢積十年莫吾省者兮增

蔽吾以蓬蒿聖日以理兮賢日以進誰使吾山之囚

吾兮滔滔

晁无咎曰仁者樂山自昔達人有以朝市為樊籠者矣未聞以山林為樊籠也宗元謫南海久

厭山不可得而出朝市不可得而復丘壑草木之可愛者皆陷穽也故賦囚山

### 愈膏盲疾賦

育音荒

晏相於此賦親書云膚淺不類柳文宜去之或曰公少作也

景公夢疾膏盲

左傳成公十年晉景公事

尚謂虛假命秦緩以候

問遂伏身于堂下公曰吾今形體不衰筋力未寡子

言其有疾者何也秦緩乃窮神極思曰夫上醫療未

萌之兆中醫攻有兆之者目定死生心存取舍亦猶

卞和以獻含璞之璧伯樂相有孕之馬然臣之遇疾

如泥之處疳

疳戶延切和土也

疾之遇臣如金之在冶雖九

竅未擁四支且安膚腠管胃外強中乾精氣內傷神

柳文

二卷

十二

沮脉殫以熱益熱以寒益寒針灸不達誠死之端巫

新麥以為讖果不得其所餐

桑田巫也出左傳成公十年

公曰固

知天賦性命如彼暄寒短不足悲修不足歡哂彼醫

兮徒精厥術如何為之可觀醫乃勃然變色攘袂而

起子無讓我我謂於子我之技也如石投水如弦激

矢視生則生視死則死膏盲之疾不救衰亡之國不

理巨川將潰非捧土之能塞大厦將崩非一木之能

止斯言足以喻大子今察乎孰是爰有忠臣聞之憤

怨忘寢廢食擗摺感歎

擗音闢摺音小切

生死浩浩天地漫

漫綬之則壽撓之則散善養命者貽背鶴髮成童兒

給音台魚名也善輔弼者殷辛夏桀為周漢殷辛紂也非

藥曷以愈疾非兵胡以定亂喪亡之國在賢哲之所

扶匡而忠義之心豈膏肓之所羈絆音半余能理亡國

之利弊利五宜切刺也愈膏肓之患難君謂之何以醫曰夫

八絃之外絃音宏六合之中始自生靈及乎昆蟲神安

則存神喪則終亦猶道之紊也患出於邪佞身之僣

也僣音痛拜切疾生於火風彼膏肓之與顛覆匪藥石而能

攻者哉因此而言曰予今變禍為福易曲成直寧關

天命在我人力以忠孝為干櫓以信義為封殖拯厥

兆庶綏乎社稷一言而熒惑退舍宋景公事一揮而羲和

柳文 二卷 十三

匪尺羲和日御也魯陽公與韓戰酣日暮援戈而揮之日為之反三舍桑穀生庭而

自滅野雉雝鼎而自息雝古切誠天地之無親曷膏肓

之能極醫者遂口噤心醉噤巨切跼歛茫然跼音局投棄

針石匍匐而前匍扶蒲二音匍音伏又蒲墨切吾謂治國在天子謂

治國在賢吾謂命不可續子謂命將可延詎知國不

足理疾不足痊佐荒淫為聖主保天壽而長年皆正

直之是與庶將來之勉旃

唐柳先生集卷之三

論

封建論

武威孔氏曰韓退之文章過子厚而議論不及子厚作封建論退之所無

天地果無祗乎吾不得而知之也。生人果有祗乎吾不得而知之也。然則孰為近。曰有祗為近。孰明之由。封建而明之也。彼封建者更古聖王堯舜禹湯文武而莫能去之。蓋非不欲去之也。勢不可也。勢之來有一

則其生人之祗乎。不祗無以有封建。封建非聖人意

也。彼其初與萬物皆生。草木榛榛。側先切鹿豕狂狂。

音不人不能搏噬。音博而且無毛羽。莫克自奉。自衛。

柳文

三卷

一

荀卿有言。必將假物以為用者也。夫假物者必爭。爭而不已。必就其能斷曲直者而聽命焉。其智而明者。所伏必衆。告之以直而不改。必痛之。而後畏。由是君長刑政生焉。故近者聚而為群。群之分。其爭必大。大而後有兵。有德又有大者。衆群之長。又就而聽命焉。以安其屬。於是。有諸侯之列。則其爭又有大者焉。德又大者。一本又下諸侯之列。又就而聽命焉。以安其封。於是。有方伯連帥之類。則其爭又有大者焉。德又大者。方伯連帥之類。又就而聽命焉。以安其人。然後天下會於一。是故。有里胥。而後有縣大夫。有縣大夫。而

後有諸侯有諸侯而後有方伯連帥有方伯連帥而後有天子自天子至於里胥其德在人者死必求其嗣而奉之故封建非聖人意也勢也夫堯舜禹湯之事遠矣及有周而甚詳周有天下裂土田而瓜分之設五等邦群后布履星羅履一作獲四周于天下輪運而輻集合為朝覲會同離為守臣扞城守舒救切扞音干詩公侯于城然而降于夷王害禮傷尊下堂而迎覲者歷于宣王挾中興復古之德雄南征北伐之威卒不能定魯侯之嗣魯武公以二子括與戲見宣王王立戲仲山甫諫不聽武公卒魯人殺戲而立括出國語陵夷迄於幽厲王室東徙而自列為諸侯一下有矣字厥後

御文

三卷

二

問鼎之輕重者有之

左傳宣公三年楚莊王問鼎之小大輕重

射王中肩

者有之

左傳桓公五年鄭祝聃射周王中肩

伐凡伯誅萇弘者有之

萇音

長左傳隱七年戎伐凡伯于楚丘又哀三年周人殺萇弘

天下乖盪

音辰無君君之

心余以為周之喪久矣徒建空名於公侯之上耳得

非諸侯之盛強末大不掉之咎歟

掉徒甲切

遂判為十二

謂魯齊晉秦楚宋衛陳蔡曹鄭燕

合為七國

合一作吞謂秦楚燕齊韓魏趙

威分于

陪臣之邦

謂田氏篡齊韓魏趙分晉

國殄於後封之秦

秦伯益之後其末孫

非子周恭王封為附庸及秦仲之孫襄公收周周室東遷始列為諸侯

則周之敗端其

在乎此矣秦有天下裂都會而為之郡邑廢侯衛而

為之守宰據天下之雄圖都六合之上游攝制四海

運於掌握之內。此其所以爲得也。不數載而天下大壞。其有由矣。亟役萬人。暴其威刑。竭其貨賄。負鋤挺。謫戍之徒。陳勝吳廣等圍視而合從。子容切大呼而成群。時

則有叛人而無叛吏。人怨于下而吏畏于上。天下相合。殺守劫令而並起。咎在人怨。非郡邑之制失也。漢

有天下。矯秦之枉。徇周之制。剖海內而立宗子。封功

臣。數年之間。奔命扶傷而不暇。而一作之困平城。高祖七年病

流矢。高祖十二年擊黠布爲流矢所中因病而崩陵遲不救者三代。後乃

謀臣獻畫而離削自守矣。武帝時主父偃請分王國封其子弟而侯國遂弱

然而封建之始。郡國居半。時則有叛國而無叛郡。秦

制之得亦以明矣。繼漢而帝者。雖百代可知也。唐興

制州邑。立守宰。此其所以爲宜也。然猶桀猾時起。震

害方域者。失不在於州而在於兵。時則有叛將而無

叛州。叛將謂藩鎮節度使州縣之設固不可革也。或者曰。封建

者必私其土。子其人。適其俗。修其理。施化易也。守宰

者苟其心思。遷其秩而已。何能理乎。理一作治余又非之。

周之事跡斷可見矣。列侯驕盈。黷貨事戎。黷音讀。事戎謂用兵

大凡亂國多理國寡。侯伯不得變其政。天子不得變

其君。私土子人者百不有一。失在於制不在於政。周

事然也。秦之事迹亦斷可見矣。有理人之制而不委

事然也。秦之事迹亦斷可見矣。有理人之制而不委

郡邑是矣。有理人之臣而不使守宰是矣。郡邑不得正其制，守宰不得行其理，酷刑苦役而萬人側目，失在於政，不在於制。秦事然也。漢興，天子之政行於郡，不行於國，制其守宰，不制其侯王。侯王雖亂，不可變也。國人雖病，不可除也。及夫大逆不道，然後掩捕而遷之，勒兵而夷之耳。大逆未彰，姦利浚財，怙勢作威，大刻于民者，無如之何。及夫郡邑，可謂理且安矣。何以言之？且漢知孟舒於田叔，得魏尚於馮唐。孟舒魏尚並字中閩黃霸之明審，潁川覩汲黯之簡靖。淮陽拜之可也。復其位可也。卧而委之以輯一方，可也。有罪得以

柳文

三卷

四

黜有能，得以賞朝拜，而不道夕斥之矣。夕受而不法，朝斥之矣。設使漢室盡城邑而侯王之，縱令其亂人戚之而已。孟舒、魏尚之術，莫得而施。黃霸、汲黯之化，莫得而行。明譴而導之，拜受而退已違矣。下令而削之，締交合從之謀。締丁計切，從將容切。周於同列，則相顧裂眦。

眦亦作眦，疾智切，目臣也。

勃然而起，幸而不起，則削其半，削其半

民猶瘁矣。曷若舉而移之，以全其人乎？漢事然也。今國家盡制郡邑，連置守宰，其不可變也固矣。善制兵，謹擇守，則理平矣。或者又曰：夏商周漢封建而延，秦郡邑而促，尤非所謂知理者也。魏之承漢也，封爵猶

建晉之承魏也。因循不革，而二姓陵替不聞。延祚今矯而變之，垂二百祀，大業彌固，何繫於諸侯哉？或者又以爲殷周聖王也，而不革其制，固不當復議也。是不然。夫殷周之不革者，是不得已也。蓋以諸侯歸殷者三千馬，資以黜夏，湯不得而廢，歸周者八百馬，資以勝殷，武王不得而易，徇之以爲安，仍之以爲俗，湯武之所不得已也。夫不得已，非公之大者也。私其力於已也，私其衝於子孫也。秦之所以革之者，其爲制公之大者也。其情私也。私其一已之威也，私其盡臣畜於我也。然而公天下之端，自秦始皇夫天下之道，理安斯得人者也。使賢者居上，不肖者居下，而後可以理安。今夫封建者，繼世而理，繼世而理者，上果賢乎？下果不肖乎？則生人之理亂未可知也。將欲利其社稷，以一一人之視聽，則又有世大夫世食祿邑，以盡其封略，聖賢生于其時，亦無以立于天下。封建者爲之也。豈聖人之制，使至於是非乎？吾固曰：非聖人之意也。勢也。

### 四維論

管子牧民篇云：國有四維，一維絕則傾，二維絕則危，三維絕則覆，四維絕則滅。四維者：一曰禮，二曰義，三曰廉，四曰耻。

管子以禮義廉耻爲四維，吾疑非管子之言也。彼所

謂廉者曰不蔽惡也。世人之命廉者曰不苟得也。所謂耻者曰不從枉也。世人之命耻者曰羞爲非也。然則二者果義歟非歟。吾見其有二維未見其所以爲四也。夫不蔽惡者豈不以蔽惡爲不義而去之乎。夫不苟得者豈不以苟得爲不義而不爲乎。雖不從枉與羞爲非皆然。然則廉與耻義之小節也。不得與義抗而爲維聖人之所以立天下曰仁義仁主恩義主斷。恩者親之斷者宜之。而理道畢矣。蹈之斯爲道得之斯爲德履之斯爲禮誠之斯爲信皆由其所之而異名。今管氏所以爲維者殆非聖人之所立乎。又曰

柳文

三卷

六

一維絕則傾二維絕則危三維絕則覆四維絕則滅若義之絕則廉與耻其果存乎廉與耻存則義果絕乎人既蔽惡矣苟得矣諸本作而從枉矣爲非而無羞矣則義果存乎使管子庸人也則爲此言管子而少知理道則四維者非管子之言也

天爵論

柳子曰仁義忠信先儒名以爲天爵見孟子未之盡也

夫天之貴斯人也則付剛健純粹於其躬倬爲至靈

卓大者聖神其次賢能所謂貴也剛健之氣鍾於

人也爲志得之者運行而可大悠久而不息拳拳於

得善孜孜於嗜學則志者其一端耳純粹之氣注於人也爲明得之者爽達而先覺鑒照而無隱眈眈於獨見

眈音諱

淵淵於默識則明者又其一端耳明離爲

天之用恒久爲天之道舉斯二者人倫之要盡是焉故善言天爵者不必在道德忠信明與志而已矣道德之於人猶陰陽之於天也仁義忠信猶春夏秋冬夏也舉明離之用運恒久之道所以成四時而行陰陽也宣無隱之明著不息之志所以備四美而富道德也故人有好學不倦而迷其道撓其志者

撓女巧切撓也

明之不至耳有照物無遺而蕩其性脫其守者志之不

柳文

三卷

七

至耳明以鑒之志以取之役用其道德之本舒布其五常之質充之而彌六合播之而奮百代聖賢之事也然則聖賢之異愚也職此而已使仲尼之志之明可得而奪則庸夫矣授之於庸夫則仲尼矣若乃明之遠邇志之恒久庸非天爵之有級哉故聖人曰敏以求之明之謂也爲之不猷志之謂也道德與五常存乎人者也克明而有常受於天者也嗚呼後之學者盡力於所及焉或曰子所謂天付之者若開府庫焉量而與之耶曰否其各合乎氣者也莊周言天曰

自然吾取之

守道論

或問曰守道不如守官出左傳昭公十九年何如對曰是非聖

人之言傳之者誤也官也者道之器也離之非也未

有守官而失道守道而失官之事者一有也字是固非聖

人言乃傳之者誤也一無乃字夫皮冠者是虞人之物也

物者道之準也守其物由其準而後其道存焉苟舍

之是失道也凡聖人之所以為經紀為名物無非道

者命之曰官官是以行吾道云爾官是一本作命字是故立

之君臣官府衣裳輿馬章綬之數會朝表著周旋行

列之等行音航左昭十一年注朝內列位常處謂之表著是道之所存也則

柳文

三卷

八

又示之典命書制符璽奏復之文參伍殷輔陪臺之

役周禮太宰注參謂卿三人伍謂大夫五人殷衆也謂衆士輔府史廢人在官者陪臺出左昭公十年

是道之所由也則又勸之以爵祿慶賞之美懲之以

黜遠鞭扑梏拳斬殺之慘遠去声扑音卜切擊也字從手梏居沃切手械也拳

守其經分居棟居王二切兩手共械扶問是道之所行也故自天子至于庶民咸

其準道從而喪矣易其小者而大者亦從而喪矣古

者居其位思死其官可易而失之哉禮記曰道合則

服從不可則去禮記內則篇孟子曰有官守者不得其職

則去然則失其道而居其官者古之人不與也是故

在上不爲抗，在下不爲損。矢人者不爲不仁，函人者不爲仁，率其職，司其局，交相致以全其工也。工一本作公且夫官易位而處，各安其分，而道達於天下也。一本作矣所以行道也。而曰守道不如守官，蓋亦喪其本矣。未嘗有守官而失道，守道而失官之事者也。一本無是字是非聖人之言，傳之者誤也。果矣。

時令論上

論禮記月令

呂氏春秋十二紀，漢儒論以爲月令，措諸禮以爲大法。馬其言有十二月七十有二候，迎日步氣以追寒暑之序，類其物宜而逆爲之，備聖人之作也。然而聖

柳文

三卷

九

人之道不窮，異以爲神，不引天以爲高，利於人備於事，如斯而已矣。觀月令之說，苟以合五事配五行而施其政令，離聖人之道不亦遠乎？凡政令之作，有俟時而行之者，有不俟時而行之者，是故孟春修封疆，

端徑術

上古定切下音遂出禮記

相土宜無聚大衆，季春利堤防，

達溝瀆，止田獵，備蠶器，合牛馬，百工無悖於時，孟夏

無起土功，無發大衆，勸農勉人，仲夏班馬政，聚百藥

季夏行水，殺草，糞田疇，羨土疆，土功兵事不作，孟秋

納材葦，仲秋勸人種麥，季秋休百工人，皆入室，且衣

絮，舉五穀之要，合秩芻，養犧牲，趨人收斂。

趨越遇切疾也一音

促務蓄菜伐薪爲炭孟冬築城郭穿竇窖音豆修囷

倉困區倫切謹蓋藏勞農以休息之勞即到切收水澤之賦

仲冬伐木取竹箭季冬講武習射御出五穀種計耦

耕具田器合諸侯制百縣輕重之法貢賦之數斯固

俟時而行之所謂敬授人時者也其餘郊廟百祀亦

古之遺典不可以廢誠使古之爲政者非春無以布

德和令行慶施惠養幼少省囷省息井切察也囷音零語獄也

賜貧窮禮賢者非夏無以贊傑俊遂賢良舉長大行

爵出祿斷薄刑決小罪節嗜慾靜百官非秋無以選

士勵兵任有功誅暴慢明好惡修法制養衰老申嚴

柳文 卷十

百刑斬殺必當丁浪切非冬無以賞死事恤孤寡舉阿

黨易關市易去聲來商旅審門閭正貴戚近習罷官之

無事者去器之無用者則其闕政亦以繁矣斯固不

俟時而行之者也變天之道絕地之理亂人之紀舍

孟春則可以有事乎作淫巧以蕩上心舍季春則可

以爲之者乎夫如是內不可以納於君心外不可以

施於人事勿書之可也又曰反時令則有飄風暴雨

霜雪水潦大旱沈陰氛霧寒暖之氣大疫風欬軌噫

瘡寒疥癘之疾效苦代切軌音未病寒鼻塞也噫丁計切鼻解氣螟蝗五穀

瓜瓠果實不成蓬蒿藜莠並興之異女災胎夭傷水

火之訛

天鳥老切

寇戎來入相掠力灼切又音諒奪也兵革並起道

路不通邊境不寧土地分裂四鄙入堡流亡遷徙之

變若是者特警史之語非出於聖人者也然則夏后

周公之典逸矣

### 時令論下

或者曰月令之所作以爲君人者法也蓋非爲聰明  
睿智者爲之將慮後代有昏昧傲誕而肆于天上忽  
先王之典舉而廢之近而取之若陳隋之季是也故  
取仁義禮智信之事附于時令俾時至而有以發之  
也不爲之一有時字將因循放蕩而皆無其意焉爾於是

柳文

三卷

十一

又爲之言五行之反戾相蕩相摩妖災之說以震動  
于厥心古之所以防昏亂之術也今子發而揚之使  
前人之奧秘布露顯明則後之人而又何憚耶曰聖  
人之爲教立中道以示于後曰仁曰義曰禮曰智曰  
信謂之五常言可以常行者也防昏亂之術爲之勤  
勤然書於方冊興亡治亂之致永守是而不去也未  
聞其威之以怪而使之時而爲善所以滋其怠傲而  
忘理也語怪而威之所以熾其昏邪淫惑而爲禱禳  
厭勝鬼怪之事以大亂于人也厭一涉切塞也且吾子以爲

畏冊書之多孰與畏人之言使愕愕者言仁義利害

焯乎列于其前而猶不悟焯音灼明也奚暇顧月令哉是

故聖人爲大經以存其直道將以遺後世之君臣必

言其中正而去其竒袤上居宜切下與邪字同二字出周禮其有囂然

而不顧者雖聖人復生無如之何又何冊書之有若

陳隋之季暴戾淫放則無不爲矣求之二史豈復有

行月令之事者乎然而其臣有勁悍者爭而與之言

先王之道猶十百而一遂焉然則月令之無益於陳

隋亦固矣立大中去大惑捨是而曰聖人之道吾未

信也用吾子之說罪我者雖窮萬世吾無憾焉爾

斷刑論上闕

柳文

三卷

十二

斷刑論下

余既爲斷刑論斷都玩切或者以釋刑復於余其辭云云

余不得已而爲之一言焉夫聖人之爲賞罰者非他

所以懲勸者也賞務速而後有勸罰務速而後有懲

必曰賞以春夏而刑以秋冬出左傳襄公二十六年而謂之至

理者僞也使秋爲善者一本秋下有冬字必俟春夏而後賞

則爲善者必怠春爲不善者一本春下有夏字必俟秋冬而

後罰則爲不善者必懈爲善者怠爲不善者懈是毆

天下之人而入於罪也毆音區下同毆天下之人入於罪

又緩而慢之以滋其懈怠此刑所以不措也一本刑下有之

字必使爲善者不越月踰時而得其賞則人勇而有

勸焉爲不善者不越月踰時而得其罰則人懼而有

懲焉爲善者日以有勸爲不善者日以有懲是馭天

下之人而從善遠罪也馭天下之人而從善遠罪是

刑之所以措而化之所以成也或者務言天而不言

人是惑於道者也胡不謀之人心以熟吾道吾道之

盡而人化乎一本作矣是知蒼蒼者焉能與吾事而暇知

之哉果以爲天時之可得順大和之可得致則全吾

道而得之矣全吾道而不得者非所謂天也非所謂

大和也是亦必無而已矣又何必枉吾之道曲順其

柳文

三卷

十三

時以諛是物哉吾固知順時之得天不如順人順道

之得天也何也使犯死者自春而窮其辭欲死不可

得貫三木三木謂項手足皆有械加連鎖而致之獄更大暑者

數月更平聲痒不得搔痺不得揉痺必至切足氣不至病痛不得

摩飢不得時而食渴不得時而飲目不得瞑莫定切支

不得舒怨號之聲怨音寬號平聲聞於里人如是而大和之

不傷天時之不逆是亦必無而已矣彼其所宜得者

死而已也又若是焉何哉或者乃以爲雪霜者天之

經也雷霆者天之權也非常之罪不時可以殺人之

權也當刑者必順時而殺人之經也是又不然夫雷

霆雪霜者特一氣耳非有心於物者也聖人有心於物者也春夏之有雷霆也或發而震破巨石裂大木木石豈爲非常之罪也哉秋冬之有霜雪也舉草木而殘之草木豈有非常之罪也哉彼豈有懲於物也哉彼無所懲則效之者惑也果以爲仁必知經智必知權是又未盡於經權之道也何也經也者常也權也者達經者也皆仁智之事也離之滋惑矣經非權則泥乃計切權非經則悖是二者強名也曰當丁浪切下同斯盡之矣當也者大中之道也離而爲名大中之器用也知經而不知權不知經者也知權而不知經不知權者也偏知而謂之智不智者也偏守而謂之仁不仁者也知經者不以異物害吾道知權者不以當人怫吾慮合之於一而不疑者信于道而已者也且古之所以言天者蓋以愚蚩蚩者耳非爲聰明睿智者設也或者之未達不思之甚也

### 辨侵伐論

在集賢院爲徵天下兵討淮西作時德宗貞元十五年討吳少誠

春秋之說曰凡師有鍾鼓曰伐無曰侵

左傳莊公二十九年之文

周禮大司馬九伐之法曰賊賢害人則伐之負固不

服則侵之然則所謂伐之者聲其惡於天下也聲其

惡於天下必有以厭于天下之心夫然後得行焉古  
之守臣有賸人之財賸音宣縮也危人之生而又害賢人

者內必棄於其人外必棄於諸侯從而後加伐焉動  
必克矣然猶校德而後舉量力而後會備三有餘而  
以用其人一日義有餘二曰人力有餘三曰貨食有  
餘是三者大備則又立其禮正其名修其辭其害物  
也小則誥誓徵令不過其隣雖大不出所暴非有逆  
天地橫四海者不以動天下之師故師不踰時而功  
成焉斯爲人之舉也故公之公之而鍾鼓作焉夫所  
謂侵之者獨以其負固不服而壅王命也內以保其

柳文

三卷

十五

人外不犯於諸侯其過惡不足暴於天下暴音僕致文

告修文德而又不變然後以師問焉是爲制命之舉

非爲人之舉也故私之私之故鍾鼓不作斯聖人之

所志也周道旣壞兵車之軌交於天下而罕知侵伐

之端焉是故以無道而正無道者有之以無道而正

有道者有之不增德而以遂威者又有之故世日亂

一變而至於戰國而生人耗矣是以有其力無其財

君子不以動衆有其力有其財無其義君子不以帥

師合是三者而明其公私之說而後可焉嗚呼後之

用師者有能觀其侵伐之論則善矣

六逆論

春秋左氏言衛州吁之事因載六逆之說左傳隱公二年曰

賤妨貴少陵長遠間親新間舊小加大淫破義六者

亂之本也余謂少陵長小加大淫破義是三者固誠

為亂矣然其所謂賤妨貴遠間親新間舊雖為理之

本可也何必曰亂夫所謂賤妨貴者蓋斥言擇嗣之

道子以母貴者也若貴而愚賤而聖且賢以是而妨

之其為理本大矣而可捨之以從斯言乎此其不可

回也夫所謂遠間親新間舊者蓋言任用者之道也

一本無者字使親而舊者愚遠而新者聖且賢以是而間

柳文

三卷

十六

之其為理本亦大矣又可捨之以從斯言乎必從斯

言而亂天下謂之師古訓可乎此又不可者也嗚呼

是三者擇君置臣之事天下理亂之本也一本之下有大字

為書者執斯言著一定之論以遺後代上智之人固

不惑于是一本有矣字自中人而降守以為大據而以致

敗亂者敗一作賊固不乏焉晉厲死而悼公入乃理左傳成公

十八年宋襄嗣而子魚退乃亂子魚名目夷宋襄之庶

貴不足尚也秦用張祿而黜穰侯乃安張祿范雎也穰侯魏冉也

史記秦昭王事魏相成璜而陳吳起乃危成璜謂魏成翟璜

親不足與也苻氏進王猛而殺樊世乃興晉書紀苻堅胡

亥任趙高而族李斯乃滅

秦二

舊不足恃也顧所信

何如耳然則斯言殆可以廢矣噫古之言理者罕能

盡其說建一言立一辭則艱飢而不安

上音孽下音兀危也謂

之是可也謂之非亦可也混然而已教於後世莫知

其所以去就明者慨然將定其是非則拘儒瞽生相

與群而咻之

咻音休又况羽切痛念聲也

以為狂為怪而欲世之

多有知者可乎夫中人可以及化者天下為不少矣

然而罕有知聖人之道則固為書者之罪也

冷語不可忽

柳文

三卷

十七



12157

唐柳先生集卷之三

